

СОЗДАВАТЬ Erschaffen
CREËREN Ia fai Crear Tworzyć
Créer Ke fa'u الإبداع TE AUHAHA
create KE FAI 創造 Bulia
창조하다 KE FFAITE
සැපයීම 七本中 रचना करना 'Angaia Δημιουργώ
KE TĀLAGA 創造する
CREATE OHLOQ ឆ្លើយតប

CREATIVE COMMUNITIES SCHEME

Fakatakitakiga mo
Tino Tusi-Fakatagi

guide

Creative Communities Scheme: Fakatakitakiga mo Tino Tusi-Fakatagi

Te Creative Communities Scheme se fakatokaga kau-tokolua i te va o te Creative New Zealand (te fakapotopotoga a te atufenua i atiakega o poto), mo Fonopule i Niu Sila. A Fonopule takitasi e o latou a te tiute o fakataunu a te fakatokaga i olotou koga-fakai. Te fuafuaga o aofaga i koga-fakai ko te kii taua ki te fakatokaga tenei: a tusi-fakatagi e filifilagina ne komiti fakatonutonu kola e atamai kae malamalama i poto i olotou koga-fakai.

Te pogai o te fakatokaga

Te Creative Communities Scheme e lagoon kae fakamalosi a tino iluga i Niu Sila o fai kae fakaasi a kesekesega i avanoaga e maua o fai iei kae kaufakatasi i faigamea tau poto i olotou koga-fakai.

Mailalo o te fakatokaga, "a poto" e fakauiga ki "vaega mea tau atamai mo fakaasiga i poto".

Kooi e mafai o fakatagi

A tusi-fakatagi e mafai o mai ne se tino tokotasi io me se fakapotopotoga.

A tusi-fakatagi mai tino tokotasi e tau se tino Niu Sila io me nofomau (*permanent resident*).

Kafai ko oti ne isi se tupe-fesoasoani ne maua ne koe taluai mai te Creative Communities Scheme, me ne maua ne koe tokotasi io me pela me se sui o te fakapotopotoga, e tau mo koe o oti ne fakatoka te lipoti o te atiakega tena muamua, ko i tuai o faulu sua tusi-fakatagi.

Te Talia: E maua se tupe-fesoasoani mo taku atiakega?

A tau atiakega e tau o –

- » isi se poto io me se atamai tau tu e taumafai ki ei
- » tautonu ki se mea e tasi me silia atu mo manakoga filifilia e tolu o te tupe-fesoasoani (*onoono mailalo*)
- » oti iloto o te 12 masina maitua o te taimi ne talia mai ei te tupe-fesoasoani
- » aogaa ki tino o te koga-fakai
- » fai i te koga-fakai tela ne tusi-fakatagi mai iei, io me aogaa ki tino i koga-fakai kona
- » **seki** kamata a koi tuai o talia mai te tupe-fesoasoani
- » **se** fai manafai ko leva loa ne fakatupegina ne te Creative New Zealand contestable funding programme
- » **se** fai manafai ko leva loa ne fakatupegina ne te Creative New Zealand multi-year funding programme.

Pogai filifilia o tupe-fesoasoani

A tau atiakega e tau ke olotonu ki se mea e tasi io me silia atu mai pogai filifilia konei o te tupe-fesoasoani –

- » **Te kaufakatasi o tino katoa** – Te atiakega ka faite ne ia a avanoaga mo tino i koka-fakai ke aofia kae fakatasitasi i faigamea tau ki poto valevale.
- » **Te kesekese** – Te atiakega a lagoon atu ki te kesekesega o poto, tu mo faifaiga a tino o koga-fakai, fakamaumea kae fakamalosi a olotou tu kesekese.
- » **Te kau-talavou** – Te atiakega e fakafaigofie kae fakamalosi atu a talavou (mailalo o te 18 tausaga) ke aofia kae kaufakatasi i faigamea o poto valevale.

Vaega o atiakega io me ko faigamea kola e mafai o maua se tupe-fesoasoani ki ei –

- » fakaasiga o mea, atamai o tino, tala mo koniseti, aso-fiafia, akoakoga mo folafolaga kola e fesoasoani ki te kaufakatasi o tino ki poto konei
- » faigamea kola e lago atu ki faifaiga mo poto o tino kesekese
- » aso o faigamea a talavou
- » atiakega fakapitoa a tufuga e kaufakatasi ei a tino o koga-fakai
- » mea mo fai a faigamea mo polokalame i poto valevale
- » togi o tino-galue mo atiakega toetoe takitasi penei
- » fakasalalauga o faigamea tau poto ki tino.

Vaega o atiakega io me ko faigamea kola e se maua se tupe-fesoasoani ki ei –

- » faigamea kola e se tautonu ki poto
- » faigamea kola e fakasino tonu mo akoga
- » togi o fakateletelega tumau kola se solotonu ki atiakega toetoe fakapitoa
- » atiakega tumau a fakapotopotoga me ko pisinisi
- » atiakega kola ko oti ne kamata me ko tau fakaotioti
- » togi o meakai
- » mo fai ne salasalaga-sene
- » fakaleiga o fale mo mea iloto, me ko kope fakapitoa
- » togi o kope e fai ei a galuega penei, pela mo komupiuta, meapeiata, meataataa.